



■左起：傅明憲、袁潔瑩與李麗珍難得碰面，當然要合照留念。

黃百鳴生日願望 盼電影業復常

憂演技小學雞 傅明憲唔敢復出

前晚黃百鳴與「開心少女組」等到九展的戲院出席「《開心鬼》四十周年放映活動」，順道為黃百鳴慶祝生日，黃百鳴坦言生日願望是希望電影市場盡快復常。已退出幕前的傅明憲坦言無意復出，擔心演技似「小學雞」，跟不上現時演員的步伐。

「《開心鬼》四十周年放映活動」前晚在九展的戲院舉行，電影監製、編劇及主演黃百鳴，邀得昔日「開心少女組」的李麗珍、袁潔瑩、傅明憲、導演高志森及編劇馬偉豪出席，其他嘉賓還有葉子楣、關寶慧、黃玉郎、楊明與女友莊思明等，場面熱鬧！久未出席公開場合的袁潔瑩素顏示人，她與李麗珍均沒接受訪問。曾患厭食症的袁潔瑩早前被指再度暴瘦，前晚現身時更見她瘦到面凹！

黃百鳴受訪時表示：「今日係我正生日，亦係《開心鬼》40年前嘅今日開鏡，我個女特登搵番套戲出嚟，做一個另類生日慶祝，時間過得好快。」問

到如何慶生？他說：「就係同400位好朋友睇番自己嘅作品，好開心搵番導演編劇，麥秋老師當年搞咗個中學生戲劇比賽，我選佢做冠軍，攞咗佢劇本做藍本，馬偉豪仲做埋編劇，佢哋今日都有嚟。（有咩生日願望？）身體健康，公司拍多啲好戲。（想電影市道快啲好番？）應該會好啲喇，我哋齊齊做好佢。」

曾用藝名 冇人記得

有份參演第2集《開心鬼放暑假》的傅明憲分享昔日拍攝趣事：「記得第一日開工，我屋企人唔放心，叫咗個工人姐姐陪住我，嗰時係14歲。」她透露入

行時用藝名「孫慧」，直至加入無綫後才用回真名：「所以冇人記得我個藝名，記得當年有個遊戲節目嘅100萬終極問題，問『開心少女組』有邊4個人，但冇人記得孫慧同傅明憲係同一個人。」

傅明憲表示當年拍《開》片很開心：「做學生唔使乜嘢演技，做番自己，拍戲時又有嘢食，好開心。（想唔想再拍？）唔會請我做學生咁？做『逃學威龍超級留班生』咩？或者做校長囉！」問到有否戲癮？她坦言無意復出：「我驚跟唔上，平時睇戲見啲演員好犀利，我覺得我出番嚟會好小學雞，完全跟唔上！」此外，她透露擔任香港愛護動物協會會長已21年，在青衣設立的「愛護動物協會賽馬會百周年中心」已開幕。

■高志森（左一）與黃百鳴大讚三位靚女外貌沒有大改變。

學友無縫式變臉 霆鋒挑戰高難度動作



■霆鋒（左）與學友揸槍姿勢有型有款。

由謝霆鋒擔任動作指導，聯同張學友與劉雅瑟領銜主演的電影《海關戰線》，正式宣布7月5日公映。相隔14年再度合作的學友與霆鋒在海報中各自持槍執行任務，學友神色凝重，霆鋒則從容不迫，誓要將海上防線守護到底。預告片中，學友的角色雖然着墨不多，但卻處處有戲，平靜卻震懾力十足的警告、眼神寫滿擔憂的制止、驚訝而憤怒的回眸，多種情緒無縫切換，無愧於「被唱歌耽誤的影帝」之稱，也令人更加期待他在影片中的精彩演繹。

霆鋒繼《怒火》後花3年時間炮製新戲，除了高空徒手爬吊車等眾多高難度動作場面外，更首次擔起動作指導的重任，還要確保台前幕後的安全，為觀眾呈現最精彩刺激的打鬥場面。

劉俊謙父母 係「迷雲黨」

雲浩影（Cloud）新歌《慢性分手》MV請來劉俊謙擔任男主角，雖然MV結局傷感，但Cloud被劉俊謙的笑話逗得笑逐顏開。劉俊謙表示與女方不算熟稔，故拍攝時說很多笑話來打開話匣子。他又自爆父母是「迷雲黨」（Cloud歌迷暱稱）：「我父母好鍾意Cloud，當年佢參加比賽時，我哋全家人一齊睇佢唱歌。我幾欣賞Cloud，佢把聲有種清泉嘅感覺。」Cloud禮尚往來讚劉俊謙：「佢好紳士、好體貼、好靚仔。」



■蘇韻姿希望有新發展。



■雲浩影讚劉俊謙靚仔。

蘇韻姿認離巢無綫

蘇韻姿憑處境劇《愛·回家之開心速遞》角色「熊心如」成功入屋，惟去年初傳她經常遲到、工作態度差及演技無進步等遭無綫雪藏。近日她於無綫官網的藝人資料被下架，其lg亦刪去經理人聯絡方法，惹來外界議論紛紛。昨日她終在社交網發長文宣布離巢：「依家係時候要跳出自己嘅舒適圈，接受新嘅挑戰啦。」她不忘感激無綫高層曾勵珍、樂易玲、曾志偉等栽培：「亦都想藉呢個機會衷心祝福所有朋友，能夠在自己嘅舞台上發光發亮。」